

Na osnovu Odluke o raspisivanju Konkursa za izbor i imenovanje kandidata za člana Nadzornog odbora Javnog preduzeća „Radio- televizija Bosansko-podrinjskog kantona“ d.o.o Goražde, broj 4/21 od 22.6.2021. godine, Skupština Javnog preduzeća „Radio-televizija Bosansko-podrinjskog kantona“ d.o.o Goražde **raspisuje:**

## KONKURS

**za izbor i imenovanje kandidata na poziciju člana Nadzornog odbora JP RTV BPK d.o.o Goražde**

Oglašavaju se pozicije:

- **Član Nadzornog odbora** ..... 1

Tri člana Nadzornog odbora JP RTV BPK Goražde imenuju se iz reda osnivača, jedan član imenuje se iz reda zaposlenika, te jedan član iz reda lokalnih zajednica sa područja Bosansko – podrinjskog kantona Goražde.

### **Opis pozicije:**

Nadzorni odbor obavlja poslove od značaja za djelatnost kojima se bavi Javno preduzeće „RTV BPK“ Goražde, d.o.o. a koje se sastoje od:

- Priprema etički kodeks i predlaže ga Skupštini JP RTV BPK Goražde;
- Priprema statut, poslovnike i predlaže ih Skupštini JP RTV BPK Goražde;
- Imenuje i razriješava članove uprave sukladno postupcima utvrđenim u Statutu JP RTV BPK Goražde;
- Vrš izbor kandidata odbora za reviziju i podnosi prijedlog za njegovo imenovanje Skupštini JP RTV BPK Goražde;
- Razmatra i nadzire postupak javnih nabavki i nadzire njihovo provođenje;
- Daje mišljenje Skupštini JP RTV BPK Goražde o prijedlogu uprave za raspodjelu dobiti;
- Daje ovlaštenja za aktivnosti koje su na temelju odredaba Zakona o javnim poduzećima;
- Na prijedlog glavnog i odgovornog urednika utvrđuje programsku politiku JP RTV BPK Goražde i usvaja programske sheme;
- Vrš druge poslove utvrđene Zakonom i Statutom JP RTV BPK Goražde;
- Imenuje i razriješava glavnog i odgovornog urednika;
- Donosi opći akt o emitiranju ekonomsko-propagandnog programa i naplate pretplate;
- Odobrava nabavku dodatnih programskih usluga;
- Odlučuje o izboru logotipa JP RTV BPK Goražde;

Izbor i imenovanje člana Nadzornog odbora vrši se za mandatni period do isteka mandata imenovanog Nadzornog odbora JP RTV BPK Goražde, d.o.o. Goražde.

Naknadu za predsjednika i članove Nadzornog odbora određuje Skupština društva.

Kandidat za izbor i imenovanje člana Nadzornog odbora mora ispunjavati slijedeće opšte uslove:

- a) da je državljanin BiH;
- b) da je stariji od 18 godina;
- c) da nije otpuštan iz državne službe kao rezultat disciplinske mjere na bilo kojem nivou u BiH (bilo na nivou države ili entiteta) u periodu najmanje 3 (tri) godine prije objavljivanja upražnjene pozicije (Dokaz: Izjava kandidata potpisana i ovjerena od strane općinskog nadležnog organa ili notara);
- d) da se na njega ne odnosi član IX stav 1. Ustava BiH (Dokaz: Izjava kandidata potpisana i ovjerena od strane općinskog organa ili notara);
- e) da nije osuđivan za krivično djelo ili privredni prestup niti se protiv njega vodi krivični postupak (Dokaz: Uvjerenje iz općinskog i kantonalnog suda);
- f) da mu pravosnažnom presudom suda nije zabranjeno obavljanje aktivnosti za poziciju za koju aplicira (Dokaz: Uvjerenje nadležnog suda);
- g) da nije izabrani zvaničnik, nosilac sudske ili izvršne funkcije ili savjetnik zvaničnicima i nosiocima izvršnih funkcija (Dokaz: Izjava potpisana i ovjerena od strane općinskog nadležnog organa ili notara);
- h) da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima (Dokaz: Potpisana izjava kandidata i ovjerena od strane nadležnog općinskog organa ili notara);
- i) da nije direktor, član Uprave, predsjednik ili član Nadzornog odbora ili Odbora za reviziju u drugom privrednom društvu (Dokaz: Izjava kandidata potpisana i ovjerena od strane nadležnog općinskog organa ili notara);
- j) da nije u sukobu interesa u ličnom i profesionalnom odnosu sa Društvom u kom aplicira na poziciju predsjednika odnosno člana Nadzornog odbora.

Dokumenti kojima se dokazuje ispunjavanje opštih uslova ne mogu biti stariji od 6 (šest) mjeseci.

Pored navedenih opštih uslova kandidat koji se prijavljuje na Konkurs mora ispunjavati i slijedeće posebne uslove:

- da ima visoku stručnu spremu VII stepen ili završen I ili II ciklus Bolonjskog sistema studiranja; (dokaz: univerzitetska diploma ili ovjerena kopija)
- najmanje jedna godine radnog staža u struci nakon sticanja visoke stručne spreme (dokaz: potvrda poslodavca kod kojeg je kandidat zaposlen ili ovjerena kopija prijave PIO/MIO).

Prilikom procjene kvalifikacije i iskustva kandidata kao posebni uslovi uzimaju se u obzir i slijedeći kriteriji:

- stručne, iskustvene, komunikacijske i organizacijske sposobnosti za obavljanje poslova Nadzornog odbora;
- sposobnost tumačenja primjene Zakona i drugih propisa, a naročito iz djelatnosti Društva;
- prilagodljivost timskom radu i sposobnost za savjesno i odgovorno obavljanje pozicije za koju se kandidira;
- sposobnost odlučnog i nepristrasnog donošenja odluka;

U vezi posebnih uslova kandidati trebaju priložiti:

- dokaz o stručnoj spremi (univerzitetska diploma, ovjerena kopija);
- dokaz o radnom iskustvu (potvrda poslodavca kod kojeg je zaposlen kandidat ili ovjerena kopija prijave PIO/MIO).

Kandidat je dužan uz Prijavu na Konkurs, koja sadrži kraću biografiju, adresu, kontakt telefon priložiti originalne dokumente ili ovjerene kopije dokumenata koji su dokaz za ispunjavanje opštih i posebnih uslova traženih konkursom.

Oglas će biti objavljen na: službenoj web stranici Vlade BPK Goražde [www.bpkg.gov.ba](http://www.bpkg.gov.ba), službenoj web stranici JP RTV BPK Goražde [www.rtvbpk.com](http://www.rtvbpk.com), oglasnoj ploči JP RTV BPK Goražde kao i u programu RTV BPK Goražde.

Prijave na konkurs dostaviti na adresu: JP RTV BPK Goražde, d.o.o., Zaima Imamovića 2, Goražde – 73 000, sa naznakom «Prijava na konkurs za izbor i imenovanje člana Nadzornog odbora JP RTV BPK Goražde, d.o.o. Goražde – NE OTVARAJ».

Rok za podnošenje prijava je 15 dana od dana objavljivanja na web stranici JP RTV BPK Goražde, d.o.o.

Nepotpune i neblagovremene prijave neće se uzeti u razmatranje.

Kandidat kojeg nakon intervjua predloži komisija za izbor, smatrat će se da je najuspješnije prošao otvorenu konkurenciju.

Konačno imenovanje člana Nadzornog odbora izvršit će Skupština Javnog preduzeća „Radio televizija Bosansko-podrinjskog kantona Goražde” d.o.o., uz saglasnost Vlade BPK-a Goražde.

*Skupština JP RTV BPK Goražde, d.o.o. Goražde*

Broj: 624 /21

Goražde, 06.7.2021.god.

PREDSJEDNICA

Nermina Mašić- Adžem